

Nassuiaat



KOMMUNEQARFIK SERMERSOOQ

Postbox 1005, 3900 Nuuk
www.sermersooq.gl

Uunga: Deloitte
Uannga: Økonomiechef Niels Poulsen
Cc: Kalaallit Nunaanni Kommuneqarfinnut Nakkutilliisoqarfik
Ulloq: 21.01.2022
Qulequtaq: 2020-mut kukknersiuisut nalunaarummut kukknersiuisut oqaaseqammut akissuteqaat

Matumuuna 2020-mut kukknersiuisut nalunaarutaannut Kommuneqarfik Sermersuup akissuteqaataa nassiunneqarpoq.

Akissuteqaatit pingaarnerit.

2020-mi 2019-imut sanilliullugu allaffeqarfirmi pitsanngoriaateqarsimanera kommunip nuannaarutigalugu maluginiarpaa.

Kukknersiuisut nalunaarumminni allaffigineqanngitsumik ima oqaasertalimmik allassimanerat taamaasilluta assut nuannaarutigaarput:

".....Isumaqarpugut, ukiumut naatsorsuutit pingaarutilinni tamani eqqortumik isikkoqartut, ima paasillugu Kommunit Namminersorlutik Oqartussallu missingersuutaat naatsorsuu-taallu pillugit Inatsisartut Inatsisaat nr. 26, 28. november 2016-imeersoq (Missingersuutit pillugit inatsit) naapertorlugu suliaasut"

Kukknersiuisup arlaannaannulluunniit attuumassuteqanngitsup kukknersiuiinermi uppersaanera, kukknersiuiinermi nalunaarusiamiittoq imm. 2.1 naapertorlugu.

Tunuliaqutaasoq suliniutillu aallartinneqartut.

Kommuneqarfik Sermersooq Nunatsinni kommunini siullersaalluni systemimik nutaamik kommuninit ataatsimoorullugu aningaasaqarnermut atortumik AX-imik atuilernikuuvoq. Nutaamik atortup atuutilersinneqarneranut atasumik kontumut pilersaarut nutaarluinnaq

Nassuiaat



KOMMUNEQARFIK SERMERSOOQ

Postbox 1005, 3900 Nuuk

www.sermersooq.gl

atulermat tamanna annertuumik pissutaaqataavoq kommunip aningaasaqarnermik aqutsinermi ajornartorsiuteqarsimaneranut sulilu taamaanneranut.

Nunatsinni kommunini siullersaalluni kommune atuutilersitsinermut atatillugu ajornartorsiutinik pingaarutilinnik assigiinngitsunik aqusaagaqartarpoq. Atortoq massakut pisorta qarfiit sinnerinut Kalaallit Nunaanniittuni atuutilersinneqarpoq, neriutigin eqarporlu Kommuneqarfik Sermersuumi atuutilersitsineq ilinniarfigalugu kommunit sinnerini aamma Namminersorlutik Oqartussani atuutilersitsinerup ingerlanneqarnera eqqarsaatigalugu pitsaannerusumik pissasoq.

AX-ip atuutilersinneqarnissaanut tamakkiisumik kommune isumalluarpoq, suliniutit pilersaarutillu aallartereersut eqqarsaatigissagaanni.

Suli annerusumik minnerusumilluunniit kukkunersiuisut nalunaarutaanni uparuarneqartartut arlaqarput. Kommuneqarfik Sermersuumut pissutsit taakkua iluarsinissai pingaaruteqarpoq.

Iluarseeqqinnerli tunngaviatigut ullormiit ullormut pisinnaangilaq - pissutsillu iluarsiniarnissaanut oqitsorsiornavianngilagut, tungaanulli ingerlavugut.

Kommunip ulloq manna tikillugu suliniutinik nutaanik pingaarutilinnik suliassanillu ingerlataqarnini nangeqqippaa, tamakkununga ilanngullugit missingersuutinik nakkutiginnineq pitsaannerusooq, aqutsinermi paasissutissanik, aningaasaqarnermi aqutsinikkut piginnaasanik pitsanngorsaanerit kiisalu illup iluani nakkutilliissutinik pitsanngorsaanerit, tamakkulu tamarmik kommunip allaffeqarfiata ineriartornerata ilorraap tungaanut isumannaatsumik nikeriarnissamat qularnaarisussaapput.

Suliniutit ilarpassui ukiup siuliani aallartinneqartut aningaasaqarnermut atortup iluamik ineriartortinneqarnissaanut suli pingaaruteqarput qitiutinneqarlutillu. Taamaattumik taamaaliornissamat immikkoortut tulluuttut qitiutinneqarnissaat pisariaqarpoq:

- Inatsisinik malittarisassanillu malitaqarneq
- Akiliisinnaassusermik aqutsineq
- Aningasaqarnermi pisinnaasat piginnaasallu pitsanngorsarneqarneri
- Missingersuutinik malinnaatitsineq pitsaannerusooq
- Aningaasaliissutinik missingersuutinillu akisussaaffeqarnermik isumannaarineq
- Akiligassanik piffissaq eqqorlugu akiliisarneq aamma eqqortumik kontulersuinissamat ilaasut

Nassuiaat



KOMMUNEQARFIK **SERMERSOOQ**

Postbox 1005, 3900 Nuuk

www.sermersooq.gl

- Innuttaasunit suliffeqarfinillu kommunimut akiitsuinik pitsaanerumik akiliisitsisarneq

Tamakkua saniatigut aningaasaqarnermut aqutsinerup pitsaasumik torersumillu qularnaarneqarnissaanut ingerlatsiviup pitsanngorsarnissaanut inerisarneqarnissaanullu nangittumik sulisoqarpoq.

Suliaq tamanna ingerlalluareerpoq, kisianni, siusinnerusukkut taaneqareersutut, ukiuni tulliuuttuni suliniutip ingerlaannarnissaa pisariaqassaaq, kommunip suliassanik sularinerini anguniakkaminik angusaqarsinnaassalluni.

Nassuiaat



KOMMUNEQARFIK SERMERSOOQ

Postbox 1005, 3900 Nuuk
www.sermersooq.gl

Ukioq manna kukknersiuisut oqaaseqaataannut akissuteqaatit.

Kukknersiuisut oqaaseqaataannut allaffeqarfiullu taakkununga oqaaseqaataannut takussutissaq:

Nr.	Kukknersiuisut oqaaseqaataat	Innersuussutigineqartut	Killiffik
2020-01	Siorarsiorfik Nuuk City Development A/S-imut akiitsut	3.1.1.	Ammasoq
2020-02	Attartornissamut attartortitsinissamullu isumaqatigiissutit Naalakkersuisunut akuersissutigigitassanngorlugit nassiunneqanngitsut	3.1.2	Ammasoq

2020-01 Siorarsiorfik Nuuk City Development A/S-imut tunngatillugu erseqqissagassat

Kukknersiuisut oqaatigaat NCD-p kommunillu akornanni nuussisarneq takusinnaallugu ilaatigut ilisimaarisamik ukiut ingerlanerini aningaasartuutit nuussisarneq (missingersuutit suliaqarneq) takuneqarsinnaalluni.

Kukknersiuisut oqaaseqaataanni oqaatigineqartoq ilumoortuusooq kommunimit oqaatigineqassaaq, taamaamat pisariaqartumik suliniutitigut isumagineqarput – matumani sulisunut suliallu ingerlaneranut tunngasut ilanngullugit – ilaatigut pasitsaassinerit taama ittut pinngitsoortinniarlugit suliniuteqartoqarluni.

Ilassutitut oqaatigineqassaaq pissutsit tamakku kukknersiuisunit misissorneqarnissaat pitinnagit kommunimit qulaajarneqarnikuupput kiisalu iluarsineqarlutik. Matumani naliliineq naapertorlugu pissutsit tamakku uteqqinneqannginnissaat qulakkeerniarlugu naammattumik qanoq iliornissamut piareersaateqartoqarpoq.

2020-02 Attartornermut attartortitsinermullu isumaqatigiissutit Naalakkersuisunut akuersissutigisassanik nassiussisanninneq

Kukknersiuisunit oqaatigineqarpoq missingersuusiortarnermut inatsimmi aalajangersakkat malillugit attartornermut attartortitsinermullu isumaqatigiissutit akuersissutigisassanngorlugit Naalakkersuisunut nassiunneqartarsimangitsut kommunimut erseqqissaatigineqarsimasoq.

Kukknersiuisut oqaaseqaataat kommunimit isumaqatigineqarpoq.

Nassuiaat



KOMMUNEQARFIK **SERMERSOOQ**

Postbox 1005, 3900 Nuuk

www.sermersooq.gl

Maanna attartornermut attartortitsinermullu isumaqatigiissutit akuersissutigineqarnissaat siunertarlugu Namminersorlutik Oqartussanut nassiunneqartarnissaat qulakkeerniarlugu sulissutigineqarpoq.

Nassuiaat



KOMMUNEQARFIK SERMERSOOQ

Postbox 1005, 3900 Nuuk
www.sermersooq.gl

Ukiut siuliinut kukkunerisuiusut oqaaseqaataannut akissuteqaat

Kukkunerisuiusut oqaaseqaataannut allaffeqarfiullu taakkununga oqaaseqaataannut takussutissaq:

Nr.	Kukkunerisuiusut oqaaseqaataat	Innersuussutigineqartut	Killiffik
2013-3	Atuisunut akiliuteqartitsisarnermut atatillugu suleriaatsinik allaaserisaqarsimannginneq	3.2.1 4.6.3.	Ammasoq
2013-4	Akissarsialeriffimmi amigaatit	3.2.2 4.4.4	Ammasoq
2013-8	Aningaasaliissutinik malinnineq	3.2.3 4.4.2.	Matoqqasoq
2013-9	Suliatigut aqutsisutut nakkutiginnissinnaannginneq	3.2.4. 4.3.1.	Ammasoq
2013-12	Sanaartornermut naatsorsuutinik il. il. tunniussineq	3.2.5 4.4.7.	Ammasoq
2014-2	Qarasaasiatigut nakkutilliissutini tamanut atuuttuni sanngiiffiit amigaatillu	3.2.6. 4.2	Ammasoq
2017-01	Ukiup ingerlanerani nalunaarusiat pitsaassusaannik qulakkeerineq	3.2.7. 4.1.3.1.	Matoqqasoq
2018-03	Pisassat naatsorsorneri qularnartoqartut	3.2.8 4.7.3	Ammasoq
2018-05	Suliffeqarfiit attuumassuteqarfigisallu akiitsunut tunngasunik aaqqitassanik naligiissaarisimannginneq	3.2.10 4.7.15	Ammasoq
2018-06	Kalaallit Nunaanni Namminersorlutik Oqartussallu aaqqitassanik naligiissaarinnginnerit	3.2.14 4.7.15.	Ammasoq
2018-08	Akissarsianik kiisalu isumaginninnermi ikiorsiissutinik akileraarutitalinnik naligiissaarinnginnerit	3.1.11. 5.6.11	Ammasoq
2019-01	Isumaginninnermut tunngasuni sullissinnermi kukkunerit amigaatillu	3.2.12 5.3.1	Ammasoq
2019-02	Ingerlatsinermit sanaartornermullu tunngasunik misissuineq	3.2.13 4.6.13	Ammasoq

2013-3: Atuisunut akiliuteqartitsisarnermut atatillugu suleriaatsinik allaaserisaqarsimannginneq

Ilumoorpoq, "Ingerlatsinermit Aningaasaqarnermillu Aqutsinermit Najoqqutassiaq" 2014-imi akuersissutigineqartoq tunngavigalugu, amigartunik imaluunniit amigateqartunik suleriaaserpaaloqarpoq.

Nassuiaat



KOMMUNEQARFIK SERMERSOOQ

Postbox 1005, 3900 Nuuk
www.sermersooq.gl

Kommuneqarfik Sermersooq 2018-imi ERP-systemimik nutaamik atuutilersitsivoq, taamaalillunilu sulineq 2020-mi 2021-milu akornutissartaqangitsumik ingerlanneqarpoq. Tamatuma kingunerisaanik suliassat annertuut sulariumallugit aamma eqqortumik piffissarlu eqqorlugu akileeqqusissutit qulakkeerniarlugit kommunimi sulisunit isumagineqartuarput, soorluttaaq akiliisoqannginneranut atatillugu nukingisaarutit nassiussuunneqarnissaat qulakkeerniarlugu sulisoqartoq.

Akileeqqusisarneq iluatsippat anguneqarpallu suliassaqarfinni attuumassuteqartuni suleriesissatut allaaserissat sularineqarnissaat pillugit pilersaarusiornissamut siunnersuuteqartoqassaaq, taamaalilluni suliateringerlanneqarnerini ilisimasat assersuutigalugu sulisut taarseraannerani annaaneqannginniassapput.

Tamatuma saniatigut oqaatigineqassaaq suleriesissamik allaaserinninnerit sularineqarneri atuisut akiliuteqartarnerannit akileeqqusissuteqartunit isumagineqassammata

2013-4: Akissarsialeriffimmi amigaatit

Kukkunersuisut uparuarpaat, akissarsialeriffimmut tunngatillugu suli isornartoqartitsillutik, taakkununga ilanngullugit kukkusumik aningaasarsiassanik naatsorsuinerit, amigartumik suliaterneqarnerit uppersaatsissaqartitsinerit aammalu suleriaatsit amigartut akissarsialeriffiullu iluani nakkutilliinnginnerit, taakkununga ilanngullugit bruttolønlistit missoqqitassat nassiunneqarneq ajorneri.

Kommunip oqaaseqaatigineqartoq isumaqatigivaa.

2019-mut naatsorsuutinit atatillugu kommunip naatsorsuutigini kuuaa, pisortat ataatsimoortumik akissarsialerinnermut atorrorissaarutaanik nutaamik pisisoqarpat, kukkunerit pineqartut ikilisaqaataaffigisinnaagai. Kisianni akissarsialerinnermi atorrorissaarummik nutaamik pisinissaq 2021-imut upernaamut kinguartinneqarpoq, taamaattumillu automatiseeriinerup kingunerisaanik ilimagisatut pitsanngoriaatissaq piviusunngortinneqarsinnaanani.

Nassuiaat



KOMMUNEQARFIK **SERMERSOOQ**

Postbox 1005, 3900 Nuuk

www.sermersooq.gl

2020-mi aammalu 2021 akissarsialeriffimmi sulisut taarseraassimaqaat, tamatumalu kingunerisaanik, kukkunerisusut ajornartorsiutitut allaaserisaat naammassineqarsimangillat.

Tamatumali kinguninnguatigut akissarsialeriffimmi nutaanik marlunnik aqutsisortaarpoq, aammalu arlalinnik nutaanik sulisortarluni. Taamaattumik kommunip naatsorsuutigaa, 2021-p aamma 2022-p ingerlanerani pissutsit paasineqarsimasut ilimagisamik pitsanngoriaateqarumaarlutillu iluarsiiffigineqarumaartut.

2013-8: Aningaasaliissutinik malinnineq

Kukkunerisusut nalunaarutigaat, ukiut siuliini kukkunerisusut nalunaarutaat qulaajarneqareersut, taamaattumillu kukkunerisusut oqaaseqaataat matuneqartoq.

2013-9: Suliatigut aqutsisutut nakkutiginnissinnaannginneq

Kukkunerisusut maluginiarpaat, meeqqanik inuusuttunillu aammalu inersimasunut tunngasunik sullissinermi pitsaassutsimik qulakkeerinnittartussamik suliatigut aqutsinermik nakkutilliisoqarnissaa amigaatigineqartoq.

Oqaaseqaammi pineqarput Suliffeqarnermut Isumaginninnermullu Ingerlatsivik aammalu Meeqqanut Ilaqutariinnullu Ingerlatsivik. Taamaattumik akissuteqaat ataani marlungorlugu avinneqarpoq.

Suliffeqarnermut Isumaginninnermullu Ingerlatsivik pillugu oqaaseqaammut akissut:

Ingerlatsivik 2020-mi kommune tamakkerlugu suliat ingerlaneranni suliatigut pitsaassutsimik nakkutilliillattaavoq, kisianni tamanna pitsanngorsaaviginiarlugu ataavartumik sulissutigineqarpoq. Qanoq ililluni suliatigut aqutsinermi nakkutilliisoqalernissaa pillugu nangittumik sulissutigineqassaaq, assersuutigalugu pitsaassutsimik sulinerup ingerlateqqinneqarnerani aalajangersimasumik misissuillattaarluni, Neriuppugut kukkunerisusut 2021-mi suliniutit kingunerinik takusaqarumaartut.

Nassuiaat



KOMMUNEQARFIK SERMERSOOQ

Postbox 1005, 3900 Nuuk

www.sermersooq.gl

Ikorsiissuteqartarnermut tunngasuni tuniunneqartussat tunniunneqannginnerini sulisunik aqutsisup, immikkoortortami aqutsisoq peqatigalugu misissoqqaartarpari. AX-imi sulianut immikkoortut iluaqutigalugit taamatut sulineq nammineq suliarineqarpallaarunnaarpoq.

Aningaasaliissutit isumaginninnermut siunnersortit pisortaannit imaluunniit suliatigut siunnersortimit misissoqqaarneqartarput.

Aalajangiinernik atsiortuusarput sulisoq aqutsisorlu.

Meeqqanut Ilaqutariinnullu Ingerlatsivimmuut oqaaseqaammut akissuteqaat.

2020-2021-mi pingasoriarluni aqutsisut nakkutilliarortarput, taakkunanilu suliani meeqqanut tunngasuni 200-ni uppersaait misissorneqarsimapput. Aqutsisut nakkutilliarortaranni qulequtarineqarsimasoq tassaavoq:

- Angerlarsimaffiup avataanut inissiiinernik malitseqartitsineq (inuttaanut tunngasumik nakkutilliineq uppersaasiinerlu)
- Iliuusissanik pilersaarutit: (Malinnaatitsineq ikorfartorti attaveqarfissarlu)
- Nalunaarutiginninnerit: (Pisinnaatitaaffik)
- Isumaginninnikkut misissuineq: (Paamiut)
- Innarluutillit pillugit inatsit: (Malunnaatilimmik aningaasartuutininik akiliineq)

Suliatigut aqutsinermik nakkutilliinermik kingornagullu malitseqartitsinermik suliaqarneq, oqartussaaffeqarfiup aqqissuuteqqinneqarneranut, nutaamik ESDH-mik atortorissaarutitaarnermik, pikkorissarnerit sivikitsut pinngitsoorani peqataaffigisassat, aammalu oqartussaaffeqarfiup allaffissornikkut toqqammavissaanik sulinerlutit atillugut isigineqassaaq.

Taamatut suliaqarneq ukiuni arlalinni ingerlanneqartussatut naatsorsuutigineqarpoq.

2013-12: Sanaartornermut naatsorsuutininik il. il. tunniussineq

Kukkunersuisunit oqaatigineqarpoq sanaartornermut naatsorsuutit arlallit amigaataasut, matumani sanaartornermut naatsorsuutit nutaannginnerusut arlallit ilanngullugit.

Oqaaseqaatit kommunimit ilumoorsorineqarput.

Nassuiaat



KOMMUNEQARFIK **SERMERSOOQ**

Postbox 1005, 3900 Nuuk

www.sermersooq.gl

”Ingerlatsinermit Aningaasaqarnermillu Aqutsinermit Najoqqutassiaq” pillugu malittarisassat naapertorlugit ukiuni arlalinni sanaartornermut naatsorsuutit kommunimit tamakkiisumik suliarineqartarsimanginnerat ilumoorpoq.

Kukkunersiuisunit oqaatigineqartutut 2021-mi upernaakkut sanaartornermut naatsorsuutit katillugit 29-t suliarineqarlutillu iluarsineqarput ilaatigullu taakku ataatsimiititami oqaluuserineqarnissaat Sanarfinermut Avatangiisinullu Ingerlatsivimmit utaqqimaarneqarput.

Aammattaq sanaartornermut naatsorsuutit piffissaliussallu kommunimit suliarineqartarnerinut malittarisassanik nutaanik ajornaannerusunillu kommunip kukkunersiuisua suleqatigalugu siunnersuutigineqarput. Siunnersuutit kommunimi akuersissutigineqarnissaat maannakkut utaqqineqarput, taamaattoq sanaartornermut naatsorsuusiorderit pillugit pissutsit pitsanngortinneqarnissaannut sunniuteqassasut naatsorsuutigineqarpoq.

Ukiunut kingullernut tunngatillugu sanaartornermut naatsorsuutit suli amigaataapput, suliarlu tassaavoq Sanarfinermut Avatangiisinullu Ingerlatsivimmi pingaarnersiukkat ilaat, taamaammat 2021-mi takussaanaissaat naatsorsuutigeqquneqarpoq.

2014-2: Qarasaasiatigut nakkutilliissutini tamanut atuuttuni sanngiiffiit amigaatillu

Kukkunersiuisut oqaatigaat, kommunip qarasaasiaqarnerata (ax aamma qaamm. akiss.) annertunersaa aqqissuussanit avataaneersunit isumagineqarmat, avataaniit ingerlatsinerup illersorneqarsinnaasumik isumannaatsuunera qulakkeerniarlugu kommune ataavartumik taakkunannga paasissutissanik pissarsiniartassasqoq.

Oqaaseqaatit kommunimit ilumoorineqarput. Oqaatigineqarpoq ajornartorsiutitut isigineqartoq pisortani ataatsimoorussamik ingerlanneqartariaqaraluartoq, ilaatigut kommunip suliassai qitiusut eqqarsaatigalugit – aningaasaqarnermut akissarsianullu tunngasut – suliassammi taakku pisortani ataatsimut qarasaasiaqarnermi allaffeqarfimmit isumagineqartarmata.

Nassuiaat



KOMMUNEQARFIK **SERMERSOOQ**

Postbox 1005, 3900 Nuuk

www.sermersooq.gl

MD-Løn-imut tunngatillugu 2022-mi annertuumik nutarterisoqartussaavoq, matumanilu sulisunut tunngatillugu pilersitsinerit matusinerillu allanngortinneqartussaallutik.

Kukkunersuiusut oqaaseqaataat pitsaanerpaamik qanoq iliuseqarfigineqassanersut pillugit kommunimit malitseqartinneqassaaq.

2017-01: Ukiup ingerlanerani nalunaarusiat pitsaassusaannik qulakkeerineq

Kukkunersuiusut nalunaarutigaat, ukiut siuliini kukkunersuiusut nalunaarutaat qulaajarneqareersut, taamaattumillu kukkunersuiusut oqaaseqaataat matuneqartoq.

2018-03 Pisassat naatsorsorneri qularnartoqartut

Kukkunersuiusut oqaatigaat, kommunimit aammalu qitiusumik akiliisitsiniartarfimmit pisassarisat naatsorsorneri qularnartoqartinneqartut.

2021-mi Innuttaasunit suliffeqarfinniillu pisassarisat amerlassusiinik torersaaneq ingerlanneqarpoq, aammalu qitiusumik akiliisitsiniarnermi oqartussaasut kisitsisaataasa kommunillu naatsorsuutaasa akornanni naapertuuttoqarnissaa qulakkeerniarlugu. Aamma 2020-mi kommunip AX-systemianut atasumik nuussinernik, akiliisitsiniarnermilu oqartussaasut systemiisa akornanni aqutsinermut tunngasut ajornartorsiutaanikuupput - sulilu ajornartorsiutaallutik.

Kisianni suliassaqarfik tamanna aqunneqariartuaalerpoq, ilaatigut qarasaasiamik pilersuisoq qanimut suleqatigalugu, ullut 14-ikkaarlugit naligiissaanissamut ataatsimiittoqartarluni. Taamaasillunilu systemit marluk akornanni naligiissitsisoqarpoq, kisianni aamma malugineqarpoq, systemi suli tamakkiisumik ineriartortinneqarsimanngitsooq, taamaattumillu ullut 14-ikkaarluni ataatsimiittarnerit annermik kukkunernik misissuinermut atorneqartarput nutaanillu iluarsinernut - kukkunerit ilisimaneqareersut, ataavartumik aammalu sukkulluunniit takkuttartut pinnagit.

Taamaattumik kommunip nalilerpaa, kukkunersuiusut oqaaseqarfigisaat taannarpiaq 2021-ip naalernerani erseqqissumik paasisaqarfigineqarumaartoq (akiliisitsiniartartut oqartussaasut kommunillu akornanni takussutissat assigiinngissutaat). Kisianni aamma maannakkorpiaq uagut nalilerparput, systemit pitsaasumik suleqatigiissinniarnarat 2021-p sinnerani ingerlanneqassasoq, immaqalu 2022 uungarpangaatsiarlugu.

Nassuiaat



KOMMUNEQARFIK **SERMERSOOQ**

Postbox 1005, 3900 Nuuk
www.sermersooq.gl

2018-05 Suliffeqarfiit attavigisartakkat akiligassiisutininik naligiissaarineq amigaataasoq
Kukkunersuisut maluginiarpaat, kommunip suliffeqarfiutaasa (Iserit aamma NCD) kommunimit sunik pisassaqrnerlutik assigiinngitsunik isumaqarfigaat, paarlattuanillu kommune allatut isumaqarluni.

Kommunip oqaaseqaatit isumaqatigai.

NCD-mut tunngatillugu, suliaq naammassereerpoq (aamma kukkunersuisut nutaamik ukioq maannamut 2020-01-mut oqaaseqaataat innersuussutigalugu.

Iserit eqqarsaatigalugu, Iserit suleqatigilluarlugu suliniummik naammassisarnikuuvugut, kommunip Iserit-imut akiligassai qulakkeerneqarlutillu akilernerqareerlutik. Kisianni Iserit kommunilu 4,2 mio. kr.-it pillugit pingaarutilimmik isumaqatigiinngissuteqarput, Iserit isumaqarluni taakkua kommunimit pisassaralugit. Suliaq taanna Iserit Kommunillu akornanni paasiniarluarneqarumaarpoq.

2018-06 Kalaallit Nunaanni Namminersorlutik Oqartussallu aqqitassanik naligiissarinnginnerit

Kukkunersuisut maluginiarpaat, qangaaniilli naatsorsuutininut inissitsiterneqartartut pillugit illuatungeriit suli isumaqatigiissutigisimanngikkaat, taamaattumillu innersuussutigineqarpoq ataavartumik naligiissarisooqartassasoq, ikinnerpaamik ukiumut ataasiarluni.

Kommunip oqaaseqaatit isumaqatigai.

2021-ip ingerlanerani qaammatikkaartumik Namminersorlutik Oqartussat ataatsimeeqatigineqartarsimapput, naligiissarisooqarneq ajornera pillugu. Taamaattumik maannakkut akiligassat/pisassallu pillugit naligiissarisooqareernikuuvoq.

Kisianni naligiissarinerit takutippaat, Isumaginninnermut Aqutsisoqarfimmi akiligassiisutininik peqartoq 19,5 mio. kr.-nik nalilinnik (2020-mi oktobarip qiteqqunnerani naatsorsorsimasanik),

Nassuiaat



KOMMUNEQARFIK SERMERSOOQ

Postbox 1005, 3900 Nuuk
www.sermersooq.gl

taakkulu Isumaginninnermut Suliffeqarnermullu aammalu Meeqqanut Ilaqutariinnullu Ingerlatsivinnut nassiunneqarsimapput.

Taamaattumik Namminersorlutik Oqartussat ataanilu Isumaginninnermut Aqutsisoqarfik suliaq tamanna pillugu naammasineqarnissaalu pillugu oqaloqatigineqartarput.

Isumaginninnermut Sulisoqarnermullu Ingerlatsiviup nalilerpaa, kommune inersimasunut tunngasunut akiliisussaataasooq, akiligassat sinnerinik 13 mio. kr.-it missaannik. Maanakkorpiaq suliassartariligaasa annertunersaraat akiligassiissutinik eqqortunik nassiussuisoqarnissaa, innuttaasut pisassaannik tunngassuteqanngitsunik, akiliisussaanermut pisussaaffittaqanngitsunik, akiligassatut akileeqqusissutitaqanngitsumik aammalu akiligassiissutinut arlalinnut uppersarsaatinik pissarsiniarnertaqanngitsunik, immaqa nassiuteriikkanik, kisialli minnerunngitsumik AX-imi malugineqareersunik, taamaattumillu Kommuneqarfik Sermersuumi takuneqarsinnaareersunik.

Isumaginninnermut Sulisoqarnermullu Ingerlatsivik Namminersorlutik Oqartussani naatsorsuuserinnermut immikkoortortamik Isumaginninnermullu Aqutsisoqarfimmi aningaasaqarnermut immikkoortortamik ataavartumik oqaloqateqartarpoq, akiligassarineqartut taakkua naammasineqarnissaat eqqarsaatigalugu.

2018-08 Akissarsiat isumaginninnermilu ikiorsiissutit akileraarutaasussat nikingasoornaveersartinneqarsimanngitsut.

Kukkunersuiisunit oqaaseqaataasimasooq suliassaqarfik pillugu naligiissaarisooqarsimannginneranut tunngavoq. Maanna akissarsiat aamma isumaginninnikkut ikiorsiissutit akileraarutillit akornanni naligiissaarisooqarpoq, taamaattoq akissarsiat tunniunneqartut AX-imi nalunaarsorsimasut akornanni 3,1 mio. koruuninik nikingasoqartoq Kukkunersuiisut oqaatigaat, 2020-mullu tunngatillugu Sulinal-imut nalunaarutigineqarput.

Kommunip oqaaseqaatit isumaqatigai.

2019-ip naalernerani 2020-illu ingerlarnernani naligiissarinissat ujartorneqaqisut ataavartumik atuutilersikkiartuaarneqarput, aammalu kukkunersuiisut tassunga ilaatigut naligiissarinermi periusissiamik immersueqataanikuupput. Taamaammat maannakkut naligiissarinertit ataavartuupput, kisianni kukkunersuiisut suleqatigalugit naligiissagassatut ersarissagassaqarpoq.

Nassuiaat



KOMMUNEQARFIK **SERMERSOOQ**

Postbox 1005, 3900 Nuuk
www.sermersooq.gl

Kukkunersuisut suleqatigalugit nikingassutaasut sinneri iluarsiniarlugit sulisoqassaaq.

2019-01 Isumaginninnermut tunngasuni sullissinnermi kukkunerit amigaatillu

Kukkunersuisunit oqaatigineqarpoq, suliaaqaqarfinni pisortanit ikiorsiissutinut, siusinaartumik soraarnerussutisialinnut, meeqqanut aamma angajoqqaarsianut taavalu suliffeqarnermut tunngasuni sullissinnerni annertuumik amigaateqartoqartoq takuneqarsinnaasoq.

Oqaaseqaammi pineqarput Suliffeqarnermut Isumaginninnermullu Ingerlatsivik aammalu Meeqqanut Ilaqtariinnullu Ingerlatsivik.

Kommunimit akissuteqaat ataani marlungorlugu avinneqarpoq.

Suliffeqarnermut Isumaginninnermullu Ingerlatsivik pillugu oqaaseqaatinut pisortat ikiorsiissutaannut aamma siusinaartumik soraarnerussutisianut tunngasut akissuteqaat.

~~Oqaaseqaatit taamaaginnarneri kommunimit isumaqatigineqanngillat.~~

Ulluinnarni sulinnermi ajungitsumik ingerlanneqarnerisut 2020-mi arlalitsigut suliniuteqarfigineqarput. Tamanna sulissutigineqaaqqissaq. Matumani aqutsisunit suliatigut nakkutilliinerunissat atornerqarnerulersinnaaneri ilanngullugit.

Allattuisussaatitaanerup malinneqannginnera

Allattuisussaatitaaneq ukkatarineqarpoq. Ilaatigut ingerlatsivimmi inatsisilerituup ilinniartitsineratigut iliuuseqarfigineqarpoq, aamma sap. ak. suliat pillugit ataatsimiinnerni aalajangersimasumik erseqqissaatigineqartuarpoq.

Pisortanit ikiorsiissutit

Aningaasatigut pisassat naatsorsornerisa uppersaateqannginneri

AX-imi pisortanit ikiorsiissutinut qinnuteqaatit tamaasa ikkunneqartarput, sullissisullu atortorissaarummut ikkussimangippatigut akuerineqarneq ajorput. Tassa imaappoq qinnuteqaatit kiisalu aalajangiinnermi allakkiat tamaasa ikkunneqartarput. Allakkiat tamaasa ilanngunneqarsimangikkunik ikiorsiissutinik aallartitsisoqarneq ajorpoq. Suleqatigiit aqutsisuat matumani aqutsisutut misissuisarpoq.

Nassuiaat



KOMMUNEQARFIK **SERMERSOOQ**

Postbox 1005, 3900 Nuuk

www.sermersooq.gl

Pisortanit ikiorsiissutitut tunngatillugu AX-imi sulianut modulit 2020-mi novembarip qaammataani atulersinneqarpoq.

Kommunimi sulianut tamanut Paamiut minillugit atuuppoq, Paamiunimi pisortanit ikiorsiissutitut qinnuteqaatit sumiiffimmi akuersissutigineqartaramik.

Iliuusissanik pilersaarusiortoqartannginnera

Pisortanit ikiorsiissuteqarnermut peqqussut malillugu pisartut tamakkerlutik iliuusissamik pilersaarusiunneqassasut inatsisitigut pituttuisuunngilaq. Taamaattoq piffissami siviunerusumi pisortanit ikiorsiissutinik pisartagaqartut iliuusissanik pilersaarusiunneqarnissaanik neqeroorfigineqassapput.

Iliuusissanik pilersaarusiortoqarnissaanut neqeroorfigineqartussat amerlanerussasut sulissutigineqarpoq. Tasiilamut tunngatillugu piffissami aalajangersimasumi immikkut iliuusissanik pilersaarusiortussamik taartaasut atorfinititsisoqarnissaa isumaliutigineqarpoq.

Aammali kommunimi illoqarfinni arlalinni iliuusissanik pilersaarusiortarnissamut malinnaasinnaaneq killeqassasoq ilisimaarineqarpoq, tassami neqeroorutit killeqarmata.

Oqartussaaffeqarfimmut immikkoortorta q suliffeqarnermut immikkoortoq peqatigalugu innuttaasunut iliuusissanik pilersaarusiortarneq ataatsimoorunneqarpoq, taamaaliornikkut allaffissorneq annikinnerullunilu suliniuteqarnissaq pingaernerutinneqassaaq.

Malitseqartitsinnginneq

Pisartagallit tamarmik pisartakkaminnik qaammatit pingasut tikillugit pisartakkaminnik nutaamik fagmodulimi pissarsiuannarsinnaammata. Piffissaq qaangiuppat, sullissisup innuttaasoq allakkatigut qinnuigissavaa kontut allattorsimaffianik nassiusseqqullugu. Innuttaasup paasissutissat pissarsiarerusunneqartut tunniuppagit, suliffissaaleqisutullu nalunaarsortippata, pisortat ikiorsiissutaannik pisartagaqarnerat ingerlaannassaaq. Paasissutissanik tunniussinngitsoorpata, pisartagaqarneq unitsinneqassaaq. Tamanna sullissisut isumagissavaat.

Nassuiaat



KOMMUNEQARFIK SERMERSOOQ

Postbox 1005, 3900 Nuuk

www.sermersooq.gl

Aamma ilanngullugu oqaatigineqassaaq, sapaatip akunneri allortarlugit misissorneqartassamat, pisortat ikiorsiissutaannik pisartagallit suliffissaaleqisutut nalunaarsortissimanersut. Taamaangippat, pisartakkat unitsinneqassapput.

Paamiuni sullissineq aamma Nuummiit pitsaassutsikkut qulakkeerinniffigineqartarpoq, qulakkeerniarlugu eqqortumik tunniussisoqarnerpoq.

Pisortat ikiorsiissutaannut tunngatillugu suliniutit allaaserineqartut iluanniittut pitsaasumik kinguneqarpassapput, tassami naammagittaalliutigineqartartuni amerliartortuni kommune eqqortumik sullissisimasutut nalunaarutigineqartarmat.

Siusinaartumik pensionisiallit

Aningaasaliissuteqarnissamut tunngaviumi uppernarsaatit amigartarnerat

Siusinaartumik pensionisiaqalernissamut maannakkut periuserineqartoq imaappoq:

1. Paasissutissanik pissarsiniartarnek, nakorsap uppernarsaataanik pissarsinissamut ingerlateqqinneqartartoq
2. Sullissisup iliuusissatut pilersaarussiaa
3. Kinaassutsimut ilisarnaat
4. VMF (pisariaqanngilaq, qinnuteqartoq suliffeqarpat)
5. VMF-iliusissatut pilersaarut
6. Sulinermik misiliineq
7. Sulinermi oqaaseqaat
8. Naliliineq
9. TFU-mit innersuussut

Siusinaartumik pensionisiaqalerniartumik sullissisup qulaani taaneqartoq suliarereerpagu, (TFU)-mi ataatsimiinnissaq sioqqullugu piareersarnermi misissoqqissaarneqassaaq. Piareersarluni ataatsimiinnermi ataatsimeeqataassapput sullissisoq, isumaginninnermut siunnersortit pisortaat, immikkoortortami aqutsisoq aamma fagcheffi. Aamma TFU-mi misissorneqassapput suliamut tunngatillugu uppernarsaatit pisariaqartinneqartut pigineqarnerisut. Taakkununga ilanngullugu, sulisinnaasutsinut naliliineq ullormi tassani paasissutissiissutigineqartunut naapertuunnersoq.

Nassuiaat



KOMMUNEQARFIK SERMERSOOQ

Postbox 1005, 3900 Nuuk

www.sermersooq.gl

Siusinaartumik pensionilinnik nalilersueqqinneq amigaataasoq

Siusinaartumik pensionisiaqalerniartut assigalugit pensioneqalerniartut nalilersoqqinneqartarnerat aamma taamaappoq.

2020-mi sulinermik misiliititsiniartarneq Corona virus pissutigalugu ilungersunarsimavoq.

Innuttaasut nalilersorteqqittussat pillugit kisitsisit:

(21) innuttaasut attavigineqarsimangitsut (adresseqanngitsut, oqarasuaateqanngitsut)

12) siusinaartumik pensionisiallit nakorsap uppersaataaniq pissarsinissaminnut utaqqisut

(5) suliarineqanngilaq kommunimut allamut nuussimaneq imaluunniit DK-mut nuussimaneq pissutigalugu. Ilaallu toqusimallutik.

Imaappoq naliliiffigeqqinneqartut sinneri (27) suli suliarineqanngillat.

Siusinaartumik pensionisiaqalerniartunut suliassat allaaserineqartut aamma pitsaasumik sunniuteqarsimarpassipput, pissutigalugu naammagittaalliuutigineqarsimasuni kommune eqqortumik sullissisimasutut amerliartortunik nalunaarutigineqartarmat.

Suliffeqarfinni piginnaangorsaaneq aammalu nakkutigisami sulineq kiisalu Nuttartarnissamut siuarsaanermut pisartagaqarneq

Maannakkorpiaq ingerlatsiviup Majoriami suliassat pingaarnerit iluanni piginnaatitsissutinut qaffasissutsit ineriartorteqqillugit ingerlanneqarput, taamaasillutik sulisinnaassutsimut naliliinermi suliareqqissaakkanik iliuusissatullu pilersaarutini/piginnaangorsaqqiinissamullu pilersaarutini sulinermi oqaaseqaatinik piginnaatitsissuteqarnissamut naammattumik peqartoqarlunilu malinnaatitsijuartoqarnissaa pitsaangorsaaffigineqarniassammat.

Meeqqanut Ilaqutariinnullu Ingerlatsivimmuut oqaaseqaammuat akissuteqaat.

Allattuisussaatitaanermik malittarisassanik malinninginneq:

Meeqqanut Ilaqutarinnullu Ingerlatsivik 2021-p ingerlanerani pingasunngornerit tamaasa sivikitsumik pikkorissartitsisalnernikuuvoq, pinngitsoorani najorneqartartussanik. Tassani pingaartillugu ukkataritinneqartarpoq Meeqqat tapersorsorneqarnissaannut Inatsisartut inatsisaat nr. 20, 26. juni 2017-imeersoq, Pisortat ingerlatsineranni suliassat suliarineqartarnerat pillugu Inatsisartut inatsisaanni nr 8 13. juni 1994-imeersoq aammalu Pisortat ingerlatsineranni

Nassuiaat



KOMMUNEQARFIK SERMERSOOQ

Postbox 1005, 3900 Nuuk

www.sermersooq.gl

suliassat suliarineqartarnerat pillugu Inatsisartut inatsisaanni nr. 8, 13. juni 1994-imeersaq. Sivikitsumik pikkorissartarnerit oqartussaaffeqarfimmi sullissisut tamarmik peqataaffigisarpaat. Inatsisiliornerup iluani pikkorissarnerni aqqusaarneqarsimasut ilagaat: Isumaginninnermi suliatigut misissuinerit aammalu suliatigut nalilersuinerit, aalajangiineq pillugu allakkiorneq, iliuusissatut pilersaarusiorneq, suliamik saqqummiussinerit aammalu allattuisussaaitaanermi malittarisassat.

Suliani meeqqanut tunngasuni amigaatit

Allaffeqarfiup Meeqqanut Ilaqutariinnullu Ingerlatsivimmi suliat meeqqanut tunngasut immikkut eqqumaffigisariaqarpai. Meeqqanut Ilaqutariinnullu Ingerlatsivik 2021-p ingerlanerani pingasunngornerit tamaasa sivikitsumik pikkorissartitsisalersimavoq, sullissisut tamarmik pinngitsooratik peqataaffigisartagassaannik. Tamatumani immikkut ukkarineqarsimapput sullissinnermi atugassat Meeqqat tapersorsorneqarnissaannut Inatsisartut inatsisaat nr. 20, 26. juni 2017-imeersaq, Pisortat ingerlatsineranni suliassat suliarineqartarnerat pillugu Inatsisartut inatsisaanni nr. 8, 13. juni 1994-imeersaq kiisalu Pisortat ingerlatsinerat pillugu paasitineqarsinnaatitaaneq pillugu Inatsisartut inatsisaat nr. 9, 13. juni 1994-meersaq. Sivikitsumik pikkorissartitsisarnerit oqartussaaffeqarfimmi sullissisut tamarmik peqataaffigisarpaat. Inatsisiliornerup iluani pikkorissarnerni aqqusaarneqarsimasut ilagaat: Isumaginninnermi suliatigut misissuinerit aammalu suliatigut nalilersuinerit, aalajangiineq pillugu allakkiorneq, iliuusissatut pilersaarusiorneq, suliamik saqqummiussinerit aammalu allattuisussaaitaanermi malittarisassat.

Sullissisut akornanni ilinniakkatigut qaffassaanissaq suliniutit arlaqartut ilagaat, sullissinerup pitsaangorsarneqarnissaanik kinguneqartussa. Tassunga ilaatinneqarput sulisoriinnarneqarnissaq sulinngitsoortarnerillu, ESDH systemimik ikorfartuutaasussamik atuutilersitsineq, minnerunngitsumillu 2021-miit oqartussaaffeqarfimmi aaqqissuusseqqittoqarsimalluni, tamatumani innuttaasooq qitiutinneqarluni. Tamanna eqaannerusumik sullissisoqartalernissaanik qulakkeerinnissamut peqqutaqaataassaaq, inatsisit malinneqarsinnaasunngorlugit.

Ataatsimut isigalugu taamatut sulineq ukiuni arlalinni ingerlasussatut naatsorsuutigineqarpoq - tamatumani ajornakusoornartinneqarsinnaasut 2021-p naalernerani inaarutaasumik naammassineqarnissaat naatsorsuutigineqanngilaq.

Angajoqqaarsiaqarnermut tunngasunik suliassaqarfik:

Nassuiaat



KOMMUNEQARFIK SERMERSOOQ

Postbox 1005, 3900 Nuuk

www.sermersooq.gl

Angajoqqaarsiatut isumaqatigiissuteqarfissanik amigaateqartoqarnikuuvoq, tamannali aaqqinneqareerpoq. Taamatut iluarsiiisuteqarnissaq 2020-p naalernerani aallartinneqarpoq, 2021-illu naalernerani naammassineqartussatut naatsorsuutigineqarpoq suliat angajoqqaarsiaqartitsinnermut tunngasut nutarterneqareersimanissaat, taamaalilutillu angajoqqaarsiat tamarmik attaveqaateqalersimassallutik.

Angajoqqaarsianut akuersissutit amigartut nutartikkallu tamanut tunngasut ingerlatsivimmi ataavartumik suliarineqartarput, aammalu tamatumani 2021-p naalernerani nutarterisoqarnissaa naatsorsuutigineqarpoq.

Nakkutilliisussaaitaanermut nalunaarutip atuutilersinneqarnissaanut tunngatillugu angoqqaarsianik nakkutilliineq ataavartumik ingerlanneqartarpoq, nalunaarutigineqartut nalunaarutigineqanngitsullu eqqarsaatigalugit, kisianni piffissat ilaanni imaattoqartarpoq, pingaartumik Nuummi coronap ajornartoortitsineranik peqquteqartumik nalunaaruteqaqqaaranik nakkutilliinissat ingerlanneqangitsoortarlutik. Tasiilami Paamiunilu nakkutilliinerit ingerlanneqareerput.

Angajoqqaarsiat akissarsiaasa kontulersorneqarnerat massakut Lønssystemet atorlugu ingerlanneqarpoq. Kommunimit meeqqap inuup normuata kontulersorneqarnissaanik piumasaqartoqarsinnaasoq misissorneqassaaq massakut akiliuteqartarnermut atortut atorlugit, imaluunniit eqqortumik nalunaarsuisarnek suliaasaqarfimmi suliaasaqarfikkuutaartut nutaat atuutilersinnissaat utaqqineqassanersoq.

Nassuiaat



KOMMUNEQARFIK **SERMERSOOQ**

Postbox 1005, 3900 Nuuk

www.sermersooq.gl

2019-02 Ingerlatsinermit sanaartornermullu tunngasunik misissuineq

Kukkunersuisut maluginiarpaat, 2020-mi aningaasartuutit sanaartornermut tunngasunut kontulersorneqarsimasut, sanaartornermut tunngasut suunerinik nalunaarsuinermit malinninngitsunik. Ilanngullugu kukkunersuisut innersuussutigaa, pingaaruteqartoq, ingerlatsinermit sanaartornermilu misissuineq missingersuusiernerup nalaani atorneqareersoq.

Oqaaseqaatit kommunimit tunngaviusumik taparserneqarput. Kisianni pivisumik aningaasartuutit kommunip sanaartugassanut assingusutut isigai, immikkullu eqqumaffigineqartariaqartut - taakkununga ilanngullugit NCD-mut, kommunip sanaartugassaataanik arlalinnik pilersaarusiernermit tunngasunik isumaginnittumut, ingerlatsinermit tapiissutit. Taamaattumik kommunip nalilerpaa, sanaartugassanut assingusunut tunngasut sanaartugassanut missingersuutitut missingersuusiorneqartassasut, taamaattumillu taamatut suleriaaseqarnerup ingerlatiinnarneqarnissaa isumaliutersuutigalugu, kisianni soorunami kommunip kontulersuisarnermi malittarisassat tassunga tunngasut eqqumaffigeqqissaassavai.